

श्री वसुन्धरा देवी व्रत धर्म कथा

(गातिला धलंया बाखं)



बाखं थ्यासफुतिइ चवयातःगु श्री वसुन्धरा देवीया चित्र

सम्पादक

छत्रबहादुर कायस्थ

(देवकिपा: गवहालि हरि ग. ज्ञान, हरिताया महर्जन)

श्री बसुन्धरा देवी वृत धर्म कथा
[गातिला धलंया बाखं]

★ देछाकूम्हः ★

சென்னை நகராட்சி கட்டிடத்துறை

कान्छा गुर्जु "अकेला"

इखाछें, आलोकहिटी
यल ।

सम्पादक

छत्रबहादुर कायस्थ

पिकाकं

साहित्यया मलखा

सफूया नां: श्री वसुन्धरा देवी व्रत धर्म कथा
[गातिला घलंया बाखं]

सम्पादक : छत्रबहादुर कायस्थ

प्रकाशक : साहित्यया मूलुखा
बखुबाहाः, यल ।

प्रकाशन : नेपाल सम्बत १९९६
बसुन्धरा पूजाया लसताय्
५०० गू प्रति ।

५

आकुयि : अलोक प्रिन्टिङ्ग प्रेस
इखाछे, यल । फो. नं. ५२२४६८

सर्वाधिकार: सम्पादक छत्रबहादुर कायस्थ

श्री वसुन्धरा देवीया स्तोत्र

भगवतो वसुधारे ज्ञान मूर्ति स्वरूपिणी
गगन गुण मनोरथा तारणी मन्त्र देवी
असमगुण निधाने काञ्चन रत्न वर्षी
बहुजन धनवृद्धि सागरारत्न मुकुट
सर्वालङ्कार भूषित नव यौवन सम्पन्ना
तस्यै श्री वसुन्धरां सर्वदाहं नमामि ॥



श्री वसुन्धरा देवीया धारणी

ॐ नमः श्री आर्य वसुन्धरायै ॥

नमो भगवते श्री वज्रधरसागर निर्घोषराज
तथागतायर्हते सम्यक् सम्बुद्धाय । तद्यथा ।

ॐ वसुन्धरादेवी आगच्छ आगच्छ

वसुधरायै वरप्रदायै स्वपरार्थ साधने

सर्वं धन धान्य रत्न वस्त्रालंकार सर्वोपकरणे

समृद्धि मे देहि शान्तिकुरु पुष्टिकुरु सर्वारिष्टं

शोधय सोधय शीघ्रं सर्वं सिद्धिञ्च ददापय स्वाहा ॥



जिगु छत्वाःचा खँ

१

दछिन्हो पासा कान्छा गुरुजु 'अकेला' जुं छगू पुलांगु थ्यासफू केना दिल । थव जुल गातिला धलं दनिकुन्ह कनिगु बाखं—“श्री बसुन्धरा देवी व्रत धर्म कथा” । थव सफू 'अकेला' जुया स्वर्गीय अबु आनन्द ज्योति बज्जाचार्यया संग्रह खः ।

यल इखाछें निवासी पासा 'अकेला' जु यलया छह पुलांह्य भाषा सेवी जक मखु संगीतकार व गायक कलाकार नं खः । छुं दिं लिपा वय्कलं थव बाखं सफू पिथनेगु विचारं सम्पादन यायेगु भाला जितः बियादिल । धार्मिक बाखं धर्म भाःपिया सम्पादन यायेगु ज्या याना ।

‘श्री बसुन्धरा देवी’ नेपाः देया मौलिक द्यो खः । श्री बसुन्धरा देवीया व्रत दनेगुयात नेपाल भाषां ‘गातिला धलं’ दनेगु धाइ । थव धलं आरम्भ यायेगु दिनः भाद्र कृष्ण तृतीया कुन्ह खः । फःसा लछिइ लछिइ मफुसा दछिइ छक्कः थव धलं दनकि क्वय् च्वयार्थे फल दइगु खँ बाखंनम् च्वयातःगु दु ।—

‘दरिद्र, रोग-व्याधि मोचन जुइ । धन-सम्पति व पुत्र लाभ जुइ । मृत्यु लिपा तुषिता भूवनम् वास लाये वइ ।’

नेपाल लिपि च्वयातःगु थव बाखं सफुतिइ तिषि मिति व सुयागुं नां मदु । उके थव बाखं थुलि हे पुलां धका धायेमछि । भाषा शैली कथं मल्लकालीन खने दु । संस्कृतया विज्ञ मखुसां संस्कृतया श्लोकत नं शुद्ध यायेगु कुतः यानागु दु । द्वं विद्वं दत धाःसा क्षमा यासे सूच बियादौ धइगु आशा याना । गुकि मेगु संस्करणम् भिकेत ग्वहालि जुइ । सकल लोकया कल्याण जुइमाः ! अस्तु ।

नेपाल सम्बत १९९६ गुंलागा १०

(२०५३।५।२२।७)

छत्रबहादुर कायस्थ

यल ।

पिकाकः पाखें

मूलुखाया उदेश्यत मध्यय् छगू थीथी विधाया सफू पिथनेगु खः । थये सफू पिथनेगु इबलय् छगू धार्मिक सफू पिथना च्वना । थव सफू खः नेपाल भाषाया छह तपस्वी श्री छत्रबहादुर कायस्थजुं सम्पादन याना दीगु 'श्री बसुन्धरा देवी व्रत धर्म कथा' (गातिला धलंया बाखं) ।

नेवाः समाजय् श्री बसुन्धरा देवीया थःगुहे महत्त्वपूर्ण थाय् दु । श्री बसुन्धरा देवीया व्रत धर्मयात तिलाव्रत व गातिला धलं नं धाः । थव व्रत कथा श्री बसुन्धरा देवीया धलं दनि कुन्हु कनिगु वाखं खः । नेपाल भाषाया धार्मिक बाखंत मध्यय् थव नं लोकं ह्वाःगु बाखं खः ।

थव बाखं सफू पिथनेत पुलां सफू सम्पादन याना प्रुफ स्वया बिया दीह्य साहित्यकार भाजु छत्रबहादुर कायस्थ, श्री बसुन्धरा पूजाय् छायेत सःछिगु सफूयात आर्थिक ग्वहालि याना दीह्य भाषासेवी संगीतकार तथा गायक कलाकार भाजु कान्छा गुरुजु 'अकेला' व थासा बांलाकेगुया नापं सफू इलय् सिधयकेत ग्वहालि याना दीपि रवि बज्राचार्य व पूर्णराज बज्राचार्य सहित कलयात यको यको सुभाय् ।

ने० सं० १९९६ यंलाथ्व २
बखुबाहाः, यल ।

रोहिणीबहादुर कायस्थ
साहित्यया मूलुखा

नेपाल सम्वत् १११६ स
यल इखाछें त्वालं न्यायेकुगु श्री बसुन्धरा पूजाय्
थ्व “श्री बसुन्धरा देवी वृत धर्म कथा” सफू
छायागु पुण्यं

जन्मः—

वि.सं. १९६२।४।२५



मृत्युः—

वि.सं. २०५२।१०।१५।१

(स्वर्गीय चिरीमाया बज्राचार्यं)

स्वर्गीय मां चिरीमाया बज्राचार्ययात
तुषिता भुवनय् बास लायेमा धका
कामना याना चबनापि



काय्ह्यः कान्छा गुरुजु ‘अकेला’

छय्ह्यः निलबज्र बज्राचार्य । छय्भौह्यः विष्णुदेवी बज्राचार्य

छुइपिः नीलशोभा बज्राचार्य. नित्यरत्न बज्राचार्य

इखाछें आलोकहिंति, यल ।

ॐ नमो श्री वसुन्धराय ॥

वसुन्धरा सदान् त्वा दरिद्रतव तारिणी
देशयामि मनुष्यार्थं सर्वे दुःख प्रमोचनि ॥

आदिस = दकले न्हापां श्री वसुन्धरा देवीयात नमस्कार ।

श्वहा परमेश्वरी श्री वसुन्धरा देवी जुम् गथिडहा
धालसा समस्तं सत्त्व प्राणीया दरिद्र दुःख मोचन यानाओ
बिज्याक । थथिनेहा श्री वसुन्धरा देवीयात नमस्कार याना ।

अतित्य पूर्व श्री वसुन्धरा देवी
व्रत प्रकाशित कथा प्रवक्षामि ॥

अतित्य = ताकालनो/पूर्व जन्मस = परापूर्व कालस श्री
वसुन्धरा देवीया व्रत प्रकाश जुओगु खँ जिन ल्हाय ।

श्रुयतांदाव तुषित भुवन देवीगण
सर्व मिलित्वा मध्य मण्डले
सर्व दारिद्र सत्त्वा दृष्टा
श्री वसुन्धारणी प्रबोदयामि ॥

नेड यावत् श्वबेलस धालसा तावत् श्व बेलस तुषित
धाया भुवनस देवगणपनि सकलें मुनाओ मध्य (मत्यं)
मण्डलस दरिद्र सत्त्व प्राणीपनि रक्षा यावत् प्रार्थणा याओ
स्वयाओ श्री वसुन्धरा देवी थमथें थमनं उत्पति जुयाओ
बिज्यात ।

देवी मर्त्य मण्डले सत्वा दारिद्र
सर्व उद्धारणार्थं प्रसन्नि भूय विज्ञापितं
देवीसंचित्य प्रसन्न भूया विज्ञापित ॥

देवीगण पनिसेन श्री बसुन्धरा देवीयाके इनाप यातं-
हे देवी!, मर्त्य मण्डलस समस्तं सत्व प्राणीपनि दरिद्र
जुयाओ चोन । थव पनि उद्धार यायेया अर्थन भिनक जि
पनिस्त आज्ञा दयकसे बिज्याय माल ।

प्रसन्न चित्तो मर्त्यमण्डलेयन
रूपेन केनेयानां सत्वानातेन
रूपेन धर्म देश(ना)यंति गच्छामि
श्री वसुन्धरा चितितं ॥

थथे देवीगण पनिसेन इनाप याओ न्यनाओ श्री बसुन्धरा
देवीन प्रसन्न चित्त यानाओ मर्त्य मण्डलस सत्व प्राणीया
गुगुलि रूप जुल उगुलि रूप जुयाओ धर्म देशना याय यात
ओने धकं श्री बसुन्धरा देवीनं चिन्तना यानाओ बिज्यात ।

इतितत्त्वा त्रिकाय स्फलित्वा श्री वसुंधारा मेकरूपं
महालक्ष्मी मेकरूपं कौमारी मेकरूपं
इति सचित्चय अश्वघोष नंदिमुख आम्हानिता ॥

थवते चिन्तना यानाओ स्वंगुलि रूप जुल । छु छु रूप
धालसा श्री बसुन्धरा छगु रूप, महालक्ष्मी छगु रूप,
कौमारी छगु रूप जुयाओ अश्वघोष, नंदिमुख निह्य (सित)
सःता बिज्यात ।

इत्याकर्णस्थितगता देवी कि माज्ञाय यसि
इत्याक कत्वाहस्तांजलि शिरसानिधायस्थित्वा ॥

थथे श्री बसुन्धरा देवीनं सःता बिज्यागु सल तायाओ
अश्वघोष, नंदिमुख निम्हं ओल । थवपनि निह्यसेन लाहात

जोजलपाओ शिरनं श्री बसुन्धरा देवी (यात) नमस्कार
यानाओ प्रार्थना यात -हे देवी!, छलपोलसेन छु आजा
दयकस्य बिज्यायतेना आजा दयेका बिज्याहुं ।

श्री बसुन्धरा देवीनं आजा दयेका बिज्यात- हे
नंदिमुख! हे अश्वघोष! छपनि निम्हं मर्त्य मण्डलस ओनाओ
सूर्योदय राजाया चरित्र स्वल ओने फओला ? फओसा
मर्त्य मण्डलस छपनि ओनाओ चरलपिओ ।

श्वनंलि नंदिमुखनं बिनति यात - छुया निर्मितिन
मफुइओ छलपोलया प्रसादनं ।

“जिपनि ओने जुल” - धकं श्री बसुन्धरा देवीयाके
अश्वघोष, नंदिमुख देवीनं इनाप यातं ।

श्वनंलि श्री ३ बसुन्धरा देवीनं आजा दयकाओ
बिज्यात-छपनि निहस गोह्य ओने फत, ओह्य हुनि । मर्त्य
मण्डलस भुलय जुयाओ ताकाल बहलपाओ ओने महु ।
तत्कारनं ओनाओ ओयमाल ।’

देवी आजा शिरसानिधाय मर्त्यमण्डलं
गतौगत्वाच ततो मर्त्यमण्डलं
चरितं संरक्षरात्र मर्त्यमण्डल ॥

श्वते श्री बसुन्धरा देवीया आजा शिरस धरलपाओ
नंदिमुख, अश्वघोष निम्हं मर्त्य मण्डलस ओन । अन
ओनाओ चरलपाओ स्वत ।

नानां विचित्रोपकारनं दृष्ट्वा अद्भुतजातो ॥

यथे स्वसेन नाना उपकार मखनाओ महा अद्भुत चाल ।

अहो मर्त्यमण्डल रमणियं कथं चरितव्यं ज्ञातव्य ॥

थथे आश्चर्य चायाग्नो धाल-गथिगु मर्त्य मण्डल ।
अतिन भिन । गथे चरलपे । गथे याये ।

चण्डिका स्थानोस्थित्वा विचित्र स्त्रीरूपं धारयामि गीत करोति
चित्य (नां) सुरभिमनोज घोष सुक्षतेन गीतं करोतिस्म ॥

श्वनंलि श्वषनिसेन चिन्तना यात । गथे धालसा चंदिका
धैगु थास ओनाग्नो विचित्र भिड मिसाया रूप जुयाग्नो, मे
हालाग्नो स्वय धकं चिन्तना यात । थथे चिन्तना याडाग्नो,
अपसरा थिड सल (सः) यानाग्नो, नायुग्नो सः यानाग्नो,
महाकोमलनं मे हालाग्नो चोन ।

तदा जम पद निवासी जनाश्रुत्वा कूतोजातो
दिव्यघोषं अति शक्तित वचन वाक्य ॥

श्व बेलस देशबासि जन पनिसेनं मे हालाग्नो चोंगु सल
तायाग्नो देशस चोड पनि सकलें मुडाव साहुति यात-गन मे
हाल, अत्यन्त भिड सल, डनेतुं ययापु सल वाक्य वचन ।'

सवेशांत निरूपेण कश्चि लोक देशीयतु
चण्डिकास्थाने दिव्य स्त्री यौवन सव लक्षणीयता ॥

सकलसेनं स्वल ओनेगु निरुपन याडाग्नो गुलिछि
देशजनपमि स्वय धकं ओन । देशस चोड पनिसेन अत्यन्त
भिन यौभन (यौवन) लक्षणं संयुक्त मिसा निहसेन चण्डिका
स्थानस मे हालाग्नो चोड खन ।

त दर्शन मात्रण वक्तं नसद्यते लोकैर्चैष मण्डले
एवं देव कन्या नच मनुष्य इति मत्वा प्रत्यागता ॥

श्व मिसात्ख खना मात्रनं श्व मर्त्य मण्डलया लोकपनि
सकलें खं ल्हाय मफुसे चोन । खचि सुमुक चोनाग्नो आश्चर्य

चायाओ साहुति याडाव धाल-श्वपनि देव कन्या ला,
हनं मखु मनुष्य कन्या ला ! श्वपनि मर्त्य मण्डलया मनुष्य
कन्याजा मखु !

यथे थिथि खँ ल्हानाओ सकलें लिहाँ ओल ।

सा एक स्थानेन तिष्ठति मूहुत्र मात्रेण
पूर्व तथा दक्षिण पश्चिमोत्तर प्रतिदिनं करोतिस्स ॥

श्व देवीपनि जुयु गथिन धालसा छगुलि थायस
मचोन । मुहुत्र मात्र नं तत्कालनं पूर्व, दक्षिण, पश्चिम,
उत्तर चतुर्दिगसं न्हिथं न्हिथं मे हालाओ जुल ।

तत्पश्चात्पौरजना सर्वं भूत जातः
त्वरितं त्वरितं मागत्वा राज्ञो निवेदीतं ॥

श्व पनि थथे जुओ खनाओ पुर जन पनि (नगरबासीपि)
सकलें अद्भुत चायाओ हतासनं राजाया थास ओनाओ
राजायात कन जुल ।

देव किं मर्थं चण्डिका स्थाने दिव्य स्त्री यौवन
गीतं प्रतिदिनं करोतिस्म ॥
शुभ निमित्तम्वा अशुभ निमित्तं वान जानासित
जिज्ञासितार्थं विज्ञापितं ॥

हे देव, हे महाराज ! छुया अर्थन चण्डिका देवीया
थानस अत्यंत यौवन भिन मिसा निहासेनं न्हिथं न्हिथं मे
हालाओ चोन । भिनला मभिनला, थुगुलि खँ जिपनिस्त
छलपोलसेन आज्ञा दयकसे बिज्यायमाल ।

राजा प्रामृष्य स्त्री आरायं शुभं नास्ति
राजा चिन्ता वेवस्थीता ॥

यथे प्रजा लोकसेन धाया बचन डेनाओ राजा प्रामृष्य
जुयाओ धया बिज्यात -मिसा ओल धक धालनाओ यथे

जुलसां भिड मखु, गथे जुयुओ !

श्वते प्रजायात धायाओ राजान चिन्तना यानाओ
बिज्यात ।

तत्कारेण नगरअग्निना दहेयतो राजानागतः ॥

थथे चोनेन थुगुलि नगरसं अग्निनं दहलपलं । थथे
मि दनाओओलनं राजा पिहां मओसे चोन ।

तदनन्तरे अश्वघोष चिन्तयत् ॥

थनंलि राजा पिहां मओयाओ अश्वघोषनं चिन्तना
यात-छु अर्थनं राज राजगृहन पिहां मओसे चोन ।

ततो देवी आज्ञा विरं वितेन कि प्रयोजनं ॥

अपितु महाबाराहमास्थाय उद्यान पुष्करिणी विध्वंसनायगतः ॥

थनंलि अश्वघोषनं नंदिमुखया न्हेओने धाल-ओ
बसुन्धरा देवीनं आज्ञा दयकाओ हल बिलम्ब चोनेमते
धकं । आओ राजा पिहांन मओलनासे, झिजिस बिलम्बन
चोनाओ चोनाया छु प्रयोजन मदु । उकें झिजिस
महाबाराह रूप जुयाओ राजाया उझानस, पुष्करिनिस
विध्वंस याडाव सेनकल ओने नुयो ।

थथे समधार याडाओ श्वपनि निम्हं बाराहया रूप
जुयाओ उझानस ओन ।

ततो दशदिसतवालोक्ष्य ग्रहहि नंदिमुखमाह ॥

कि शक्ति तेन विध्वंसयामि ॥ आह ॥

यथा कार्यं संवादित तथा करिष्यामि विध्वंसित ॥

थनंलि श्वपनि निम्हं उझानस ओनाओ दगदिगसं
स्वत । नंदिमुखन अश्वघोषया न्हेओने धाल-गथे झिजिसेन
याय फयिओ, छु कथनं फयिओ, गुगुलि कथनं याय ।
अश्वघोषनं नंदिमुखया न्हेओने धाल-‘गथे झिजिसेन

फयिओ ओथें याय । आओ थथे चोने मखुत । क्षिजिस
उझान, पुखुलि सेनकल वने नुयो ।

थथे खँ ल्हानाओ उझान, पुखुलि सेनकाव जुलो ।

ततो उद्यान जना यानतं महाबाराहं दृष्टा परायित ॥

राजा गृहं गत्वा राजानं विवेहित ।

देव महाबाराहेन उद्यान, पुष्करिणी विध्वंसित ॥

थवनंलि उझान, पुस्करिनीस चिंता यानाओ चोनहा
जन ओयाओ, थव बाराहपनि खनाओ ग्यानाओ राजगृहस
ओनाओ राजायात कन- हे देव, हे महाराज ! तओधन
बाराह पनिसेन छलपोलया उझान, पुस्करिणि सकलें
सेनकल । गथे याय !

राजाश्रुत्वा राजा उत्थायसंतु मेनकिं भविष्यति

भद्र भद्रन भविष्यन्ति दृश्यत्वा घण्टा घोषणाकारयतिस्म ॥

थवते उझानया खँ डेनाओ राजा ओपदनाओ ओनाओ
चिन्तना याना बिज्यात-छु जुयुओख्य, जि भिनजा मखु ।

थवते चिन्तना यानाओ घण्ट (गँ) थातकाओ प्रजापनि
चोयकल ।

तच्छ्रुत्वा पौरजना राजानं सभाषतः ॥

किमाज्ञापयसि ॥

थथे घण्ट थानाओ चोयकु सल डेनाओ प्रजा लोकपनि
सकलें राजाया थास सभा जुल ओल । राजाया न्हेओने
प्रजापनिसेन बिमति यात- छु आज्ञा दयकसे बिज्याय
तेना ।

राजा आह ॥ अत्र किं न जानासि उद्यान

भूमि पर्यंगताः किं करिष्यामि ॥

राजान आज्ञा दयकसे बिज्यात -हे प्रजा लोकपनि!
आओतलें छपनिसेन मसियानिला ! महाबाराह तओधिक

बाराहपनिसेन झिजिस उद्यान पुष्करिणी सेनकल । थ्व
महाबाराहपनि गथे झिजिसेन लाययात गुगुलि कथं याय ।

अथ अमात्य निवेदिता आज्ञादेहि ॥

थ्वते राजाया खं डनाओ चौतारा परमाननं राजायाके
इनाप यात- हे महाराज ! गथे याय, महाराजां हे आज्ञा
दयकसे बिज्याहुने ।

राजोवाच ॥

सर्वेहम उद्यान भूमि गमनाय महाबाराह छेदनाय ॥

यथा गम्यतां तत्कुरु सर्वजना सभाखेत दाह ॥

राजानं आज्ञा दयकसे बिज्यात-झिजि सकलें उद्यान
भूमि ओनाओ थ्व महाबाराह फुतके माल । गथे छमिसेन
फत, अथे छमिसेन याय माल । हे प्रजा, भारोपनि !

यथैवमस्तु महाराजन सर्वसजिकृत्वा

गच्छति तथा स्थियतां ॥

- गथे छलपोलसेन आज्ञा दयकसे बिज्यात, अथे
जिमिसेन याय ।

थुलि प्रजापनिसेन धायाओ सकलें मुनाओ तयार
जुयाओ चोन ।

पूर्व दिशा राजा, दक्षिण दिशामात्य

पश्चिम दिशाः सेनापति, उत्तर दिशा सर्व पौरजन स्थित ॥

गथे चोने धालसा पूर्व दिशास राजा दक्षिण दिशास
परमान, पश्चिम दिशास सेनापति, उत्तर दिशास सकल
प्रजा लोकपनि । थथे चोनेत राजानं आज्ञा दयकसे
बिज्यात ।

स्थित्वापेरयामाससजिकृत्वा ॥

सकलें तयार जुयाओ चोन ।

राजा पुनः रूपाह ॥ यत्र स्थानेन महाबाराहं
परायित रुधितुं न शक्नोति समया दण्डयामि ॥

पुनरबार हनं राजानं आज्ञा दयकाव बिज्यात-ग्वह्याया
दिशानं बाराह पना तय मकुत, घाल भति खुनु, हि भति
खुनु मश्रोयकं तोता छोटसा छपनि सकलें दण्ड याय ।

ततो महाबाराहा सर्वं जनां दृष्ट्वा संत्तासित
महाबाराहा कोलाह शब्दं श्रुत्वा उत्थाय
दशदिशं व्यवलोक्य महाशब्दं करोति ॥

थव बाराहपनि निह्यसेनं समस्त लोकया सल तायाओ,
संताप चायाओ, दनाओ दश दिगसं स्वयाओ तओ शब्दनं
हाल ।

महावायु पर्वत नतभांधकारश्च बहन्ति
यत्र दिशा राष्ट्रति दिशं परायति ॥

थपनि निम्हं हालाओ चोनेन महावायु तओधड फस
ओयाओ अन्धकार जुयाओ, छुं खने मदयाओ चोड बेलस
राजा चोड दिशानं थव बाराह निम्हं बेगनं बिसे ओन ।

राजा संतुमे मुच्छितः पश्वात्मृति लप्चाप्रति बिज्ञापितः
यावत्त्व गृन्हा मिताव गच्छामः ॥
अथ राजा अश्वमारु हे सर्वजनाच्छेदितुं गत ॥

राजा चोनगु दिशानं थव महाबाराह निम्हं बेगनं बिसे
ओन । थव स्वयाओ राजा मुछानि कल । पुनरबार चेतना
दयाओ खचि मुमुक चोडाओ आज्ञा दयकसे बिज्यात- जिनं
थव बाराह पनि ग्वबेलस लानाओ जोनाओ ओध फत, थव
बेलस तिनि जि थओगु राज्यस लिहां ओय ।

थथे प्रतिज्ञा याडाओ सल गयाओ राजानं थव बाराह
पनिस्त लिनाओ यन ।

किंचि दुरंगत दर्शिता यदा राजानसेति ॥
 किंचि दुरा दर्शित ॥ महा दुरंगत सर्वजना
 मनो भंगं कृत्वाप्रति निवृत्ताः ॥

श्व महाबाराह पतिसेन तायिने ओनाओ यानं छपला
 जक केन । थनंलि राजा मखन । श्व बेलस फचिन तायिड
 ओनाओ, प्रजा पनि सकलें नेलाओ मन भंग यानाओ लिहां
 ओल ।

नंदिमुखो अश्वघो (ष) अश्व शरिरे प्रविशे
 दुश्वानापहरति राजा मता दुरंगत सर्व लोकैर्व्यक्त ॥

थथे प्रजापति सकलें लिहां ओयतुनुं नंदिमुख,
 अश्वघोष निह्यसेन बाराहया रूप तोलताओ, सलयाके
 दुब्बिनाओ सलन हुयकल यन । महा दूरस मनुष्यया नामं
 मडु थास थेनकल यन ।

सेन नाम एकोराजागत, ततोराजा अश्ववृक्षतल
 दुश्वरथात्पतितः मुच्छागत ॥ सेनेन समास्वासे
 चेतनाहुत ॥

थथे राजा सलनं हुयकल यडो । राजाओ नाप सेन
 नाम जुयाओ चोनह्य चरुबादार छह्य जक राजा लिसे
 ओन । राजा अश्वक सिमाया तलस थेन । राजा डेलाओ
 सलह्यनं कोहां बिज्यानाओ अश्वक सिमाया कोस झासु
 लनाओ बिज्यात । बाराह पनि लुमनाओ राजा मुछां
 जुयाओ ओन । सेननं भलसा बियाओ चेतना दयकल ।

तदा राजाज्ञापित सेन पानिय मन्वषय
 सेन पानियबातुमिच्छामि,
 सेनेन पानिय मन्वषय मानो पानियनसं
 विद्यते कथ प्रति पद्यते ॥

थुगु बेलस राजान सेनयात आज्ञा दयकसे बिज्यात- हे

सेन ! जि लंख तोने इच्छा जुल, लंख माल हुयो ।

थथे राजाया आज्ञा डेनाओ सेननं लंख माल ओनं ।
लंख मदयाओ गथे लिहां ओने धकं चिन्तना यानाओ चोन ।

सेनोवाच ॥ राजा सस्भाष्य वृक्षतरे स्थियतां
पानिय मनेष मानो गच्छामि ॥ इत्यक्त्वा गत
किंचिदुरे सुर नदी शब्द श्रुत्वा श्रुत्वाच
त्वरितं त्वरितंगत ॥

लंख माला मलुयाओ लिहां ओयाओ सेननं राजायात
बिमति याडाव धाल — छलपोल थव सिमाया कोस
बिज्याहुने । जिन लंख मालाओ ओय ।

थुलि राजायात धायाओ सेन ओन । भति तापाले सुर
नदि धाया खुसिमा सल डेनाओ उखे रिखे हतास हतासनं
ओन ।

तदर्शित संयुक्ता जातः ततस्तीर समिपे
महास्थले, अपसराभि व्रतसं धारनाय तिष्ठति ॥

थव सुर नदि धाया तिरस तओधन स्थुलस अपसरा
पनिसेन थी बसुन्धरा देवीया व्रत धर्म दनाओ चोनगु
खन । थुगुलि व्रत दनाओ चोड स्वयाओ सेन संतुष्ट जुल ।

सा अप्सरा सो दृष्टाद् आवहानितं
मानूवक मनुष्यागमकनागता ॥

थव अपसरा पनिसेन सेन ओओ खनाओ सलताओ
न्यन— भो मनुष्य छ थन वायो, छुया निमित्तन थन ओया ।

सेनोवाच ॥ सूर्यो (दय) प्रभो राज भव नादागतो हं ॥

सेननं धाल— सूर्यो दय राजाया राज्यनं ओया ।

अप्सरोवाच ॥ कथमागतं ॥

अपसरा पनिसेन न्यन—गथे ओया ?

सेनोवाच ॥ स राजा सेना पहरति दुर वन हेरतिगतं
 राजा न दृष्टा सर्वजन प्रत्यागत
 राजा, मम परित्यक्ताश्वकवृक्षतत तिष्ठांति
 राजा भृषातुरार्थं पानिय मन्येपमानोश्रुतागत्वहं ॥

सेननं धाल- श्वह् राजा सलन हुयकल हल तापाले
 थेनक । प्रजा पनि सकलें राजा लिलातके मफयाओ लिहां
 ओन । हनं राजानं जि तोलताओ अश्वक सिमाया कोस
 थेनकाव चोम बिज्यात । जिन अम थेनक ओना राजानं
 प्यास चायाओ लंख कायकल हल ।

सुर नदि शब्दमा कर्णद्वहागतः
 भद्रं भद्रं मम भागेन देवी दर्शनं प्रापत् ॥

थुगुलि सुर नदिया शब्द डनाओ थन जि ओया । धन्य
 धन्य जि भाग्यन छलपोल देवीगणया जित दर्शन लात ।

देवी प्रसादात्सुर नदिलंबयित्वा
 त्वरितं त्वरितं गत्वा देवीं गणेत्य ॥
 प्रादि वंदनादिकं करोति ॥

श्व देवी पनिसया प्रसादनं सुर नदि छिनाओ हतासन
 ओना, देवीगणया पादुका नमस्कार याना । श्वनंलि न्यना-
 देवी किं व्रत माराधयसि ॥

हे देवी ! छलपोलपनिसेन छु व्रत दसे बिज्याना ।
 थथे सेनया खँ डनाओ देवीगण पनिसेन आज्ञा दयकसे
 बिज्यात ।-

हे मानव जानासित्वं सर्वं दारिद्र्यं दुःखं प्रमोचनार्थं
 श्री वसुन्धरादेवी माराधयामि ॥

हे मानव ! छनं मसिओला समस्त दुःख मोचकेगु
 अर्थनं श्व श्री वसुन्धरा देवीया व्रत धर्म जिमिसेन आराधना
 यानाओ चोना ।

सेननं धाल-हे महाराज ! छलपोलयाके क्षमस्व ! लंख कालओना थास अद्भूत देवीगण पनि खनाओ न्यना । हे देवीगण पनि ! छलपोल पनि छुया निमितिनि विश्राम यासे बिज्याना । थनंलि अप्सरा पनिसेनं जित आज्ञा दयकाओ बिज्यात - छ गननं ओया । जिनं बिनति याना- लंख कालओया । थन सकल अपसरागण पनिसेन श्री ३ बसुन्धरादेवीयागु वृत धर्म धरलपाओ जिन अपसरा गणयाके बिनति याना- हे देवीगण ! जि मनस आम श्री ३ बसुन्धरा देवीयागु धर्म वृत दनेगु अतिन इच्छा जुल । जित थुलि वृत धर्म दनकस्य बिज्याय माल । थथे बिनति यानाओ जिन देवीगणओ नापं श्री बसुन्धरा देवीयागु थुगुलि धर्म वृत दनाओ चोनाया कारणस भति भति बिलंभ जुल । थुलि धुनकाओ अपसरागण याके बेदा कयाओ जि थन ओया । हे महाराज ! थुलिया निमितिनि थुका जि बिलंभ जुल । हे महाराज क्षेमस्व ! धर्म वृत धुनेतुनुं जित पालं याकेयात बिओ मधि, धलि, दुदु, लंख थवते अमृत सकतां जोडाओ ओया धकं राजायात दोहलपं बिल । थव सकतां वस्तुक स्वयाओ-

राजा आह ॥

अहो आश्चर्यं श्री वसुन्धरा व्रतं श्रुत्वा किं न जानामि ।

इतु जासवाच पान वस्तु स्वरूप दृष्टा संतोषितं ॥

राजान आज्ञा दयकसे बिज्यात- हे सेन ! तओ आश्चर्य ! श्री बसुन्धरादेवीया वृत धर्म धाओगु खं जिन गवबेलसं डेने मनना, सियां मदु ।

थुलि आज्ञा दयकसे सेनं बिओगु वस्तुक अन्नपान खनाओ राजा आनन्द जुयाओ बिज्यात ।

नन्दन पान वस्तुकं महासंतुष्टोजातः दृष्ट चित्त चितेन

कथयति सेन ममत दुवनोन्मुक जाता दावां गच्छाव ॥

थवनंलि सेनं बिओगु वस्तुक भुक्तलपाओ (भोजन यानाओ), संतुष्ट जुयाओ आजा दयकसे बिज्यात- हे सेन! आम भुवनस (थायस) वने जि इच्छा जुल । शिजि निम्हं ओने नुयो ।

तत्र भुवने देवा दर्शनाय धर्मं श्रवनाय ॥

ममाभिलाष जाता तस्तु गच्छाव ॥

हे सेन ! आम थायस जि बोनाओ यओ । थुगुलि भुवनस देवी पनि जिन दर्शन याय, देवीगणया धर्मशब्द डेने जि मनस फाचिकन इच्छा जुल, तत्कारनं जित उगु थास बोना यनेमाल ।

सेनोवाच ॥

एवमस्तु राजा सेनोगतो देव जोष लक्षण्यत्संप्राप्तः ॥

सेननं धाल- 'हे महाराज ! जिओखे !' ।

थुलि धयाओ राजाओ सेनाओ निम्हं देवीगण पनिसेन धर्म वृत दना थास थ्यनकल ओन । गुगु थास सेननं धर्म दन, थुगुलि स्थानस थ्यनकल बिज्यानाओ स्वक बेलस थुगुलि भुवनस देवीगण पनि छम्हं सबिज्याक (मदु) । थुगुलि धर्म दना थास नाना अनेक जातया स्वान, पालिजातस्वान, पलेस्वान, उफोलस्वान, तओफोलस्वान, चओलस्वान इत्यादि । अनेक अनेक स्वान जक दयाओ चोन । अत्यन्त सुगन्ध वासनानं जिनाओ चोन । थथे चोन खनाओ राजानं आजा दयकसे बिज्यात- गथिन अभाग्य जि, देवीगणया दर्शन याय मलाक (मखंहा) ।

थथे सेनाओ राजाओ निहा खं लहाक सल तायाओ

सत्यमेवं देवीगण ममाभिराषिता
प्रशिद्ध देवी व्रतं व्रत माराधयामि ॥

सेननं देवीगण पनिस्के इनाप यात- हे देवीगण !
सत्यन आज्ञा दयकसे बिज्याक मखुला ! जिनं इच्छा जुल ।
थ्व व्रत धर्म दनेगुलिस जिनं आराधना याये, छलपोल पनि
प्रसन्न जुसे बिज्याय माल ।

इच्छसितव मनोरथ पुरयामि ॥ श्रुयतां तावत्
भाद्रपदकृष्ण तृतीयायां सर्वपितृमय पुष्प धूप
दीप गंध नैवेद्यादि सज्जिकृत्येवकूर्या ॥

देवीगण पनिसेन आज्ञा दयकसे बिज्यात- छनं मनस
थुगुलि व्रत धर्म दने इच्छा जुओला, जुलसा गुगुलि छन
मनस इच्छा जुल, थुगुलि जिमिसेन पुरय यानाओ बिप । हे
नर जन ! छन नेओ । थ्व व्रत ग्वबेलस दने धालसा भाद्रव
एनलाया कृष्णपक्ष तृतीया खुन्हु समस्तं पितृमय यानाओ
स्वान, धूप, दीप, गंध नैवेद्य इत्यादि सकतां ताल
लाचकाओ याय ।

पुनरपि सर्वदेवीगणा सेन सहितं सर्वमाव्रतं विष्यमि
यथा वज्रधर सागरेण व्या करोति तथा करीष्यति ॥

पुनरबार थथे समस्तं ताल लातकाओ देवीगण पनि
सकलें सहितन थुगुलि श्री बसुन्धरा देवीया व्रत धर्म दन ।
गथे वज्रधर सागर तथागतनं आज्ञा दयकसे बिज्यात, थथे
हे ज्जिजिसेन थुगुलि धर्म दना धकं आनन्द जुयाओ बिज्यात ।

पुनरप्यादेशित मानव चैव करिष्यति इह मर्त्यमण्डले
राजा प्रभृति यथामयादेशित स्तदादेशय ॥

पुनरबार देवीगण पनिसेनं आज्ञा दयकाओ बिज्यात-
हे मानव ! छन थ्व मर्त्यमण्डलस राजा प्रभृति सकलें

मुनकाओ गथे थन जिमिसेन थुगुलि वृत धर्म दनेयात
कनाओथे यातकिओ ।

महालक्ष्मी धारणार्थं ॥ धन धाने सुवर्ण रूपं बहुना एषिष्यते,
नव मेव देशयामि पञ्चाहुत संपूर्णतीरे पालणाथं
दधिम्गे धूमयवपिष्टकादिकदापित ॥

थव धर्म वृत दने छुया निर्मितन धालसा महालक्ष्मी
दयके यात, किसि जासि लुं बह समस्तं दयके यात । थव
वृत धर्म दने धुनकाओ सकलयात पालना यातके । पालना
यातके अर्थन सेनयातनं धलिन छाया मधि दुदु समस्तं बिल ।

तदा सेनन भक्षन मयस्मृति लाभोभविष्यति
न प्रासित प्रासन विषय सर्वं गृहित्वा देवीगणं
संभाष्य सूर्यो प्रभो राजा समिसं ततः
स राजा वृक्षतलेस्थितं दृष्ट्वा संभाषित ॥

थथे देवीगण पनिसेन बिया पालना याय वस्तुक
पालन याये तेन बेलस सेनया राजा लुभन । थथे राजा
लुभनाओ पालन मयासे हतासनं पालन यायत बिओगु वस्तुक
सकतां जोनाओ देवीगण पनि सकलैयात नमस्कार यानाओ
बिदा कयाओ सूर्यादय राजाया समिपस थेनकल ओल ।
अश्वक सिमाया ववस चोनाओ चोडह्य राजानं सेन ओओ
खनाओ न्यनाओ बिज्यात । -

राजोवाच ॥ किं तव बिलम्बितं ॥

राजानं आज्ञा दयकाओ बिज्यात- हे सेन ! छुया
निर्मितिन छुनं थव बेलतं बिलम्भ जुल ।

सेन उवाच ॥ क्षेमस्व महाराजन्,
पानिय मन्वेषमान अद्भूत देवीगणं दृष्ट्वा
विचारितं देवागण किं कारणेन विश्रामितं ॥
तत् सर्वाप्सरोहिः सम्भाषितं ॥

आकाश मार्गनं देवीगण पनिसेनं राजायात आज्ञा दयकाओ
 ऋल- हे महाराज ! जि पनिसेनं मालगु खँ सेनयात कने
 धुन । हे महाराज ! समस्तं जिमिसेन आम सेनयात
 कनाओ तयधुन ।

राजा इत्यां कर्णन भुवनं नञ्ज स्थानं कृत्वा ॥
 सेन अश्वभारोह्य ॥ सेनोवाच ॥ कयं उवाच राजन् ॥
 वाहन मारोह्यामि ॥ राजोवाच ॥ अद्य प्रभृति
 भवानुपाध्याय भवति तेन राजापितं सेनप्रमुखा
 राज सहितमश्वमाह्वयति तत्क्षणान तरमियं प्राप्त ॥

थुलि देवीगण पनिसेना आज्ञा डेनाओ राजानं देवीगण
 पनिस्त, थुगु थासयात नमस्कार यानाओ सेनयात आज्ञा
 दयकसे बिज्यात- हे सेन ! छनं थव सल गओ ।

थवते राजाया खँ डेनाओ सेननं बिनति यात- 'हे
 महाराज ! छलपोलया सल जिन गथे गय ।'

थुलि सेनया बचन डेनाओ राजानं हानं आज्ञा
 दयकाओ बिज्यात- 'हे सेन ! थनिनिसें छलपोल जिह्वा
 उपाध्याय जुल ।'

थुलि राजाया बचन डेनाओ सेननं राजा नाप संल
 गयाओ तत्कारनं थओ देश लिहां ओल ।

ततो अद्य प्रभृति पौरजनाः सर्वे राजा प्रत्यागतः
 श्रुत्वा अमात्य प्रभृति पौरजना सर्वजना नगर ग्रामतो गत्वा ॥
 महोत्साहेन महता सत्कारेण पाद वन्दनादिकं राजकूल मानिता ॥

थवनंलि परमान, प्रजा पनिसेनं राजा लिहाँ ओओगु
 वात तायाओ प्रजा पनि सकलें लं स्वल ओनाओ नमस्कार
 यानाओ महामान्य यानाओ राजगृहस दुहाँ बिज्यातकल ।

राज द्वारपाद प्रक्षालन समय राजापितः

सेनपाद प्रक्षालयत्वं ॥

**राज द्वारस तुति सियगु समयस राजानं आज्ञा
दयकाओ बिज्यात— 'सेनयात नि न्हापां तुति सितकिओ!' ।**

सेन उवाच ॥ कथं राजा विभुमा भवति ॥

राजा ज्ञानंघयित्वा प्रथमत सेन पादः प्रक्षालयित्वा,

पशवाद्राजा प्रक्षालितः तदनन्तरे राजगृहं प्रविष्टं ॥

थनंलि सेनं धाल—गथे राजाया चित्त विचित्रमय जुल ।

**राजानं जुलसां न्हापां सेनयातनि पालि सितकाओ,
थयां लिओ थओ पालि सितकाओ राजगृहस दुहाँ
बिज्यात ।**

अ सेन मण्डतो दापयति ॥ इत्येवं कृत्वा क्वचि दिनान्तरे पेरयामास ॥

पश्चाद्व्रतदिने समागत राजोवाच ॥

अमात्य अन्तपुर प्रभृति अष्टोत्तरशत श्री वसुन्धरा व्रत मारोधयामि ॥

**थनंलि सेनयात अन्न आदिन भोजन यातकल । थनंलि
गुलि दिन काल सुखनं हनाओ चोसेनलि छन्हु सेनयाके
राजानं श्री वसुन्धरा देवीया व्रत गुलि मानि धकं चोयकाव
बिज्यात । थथे चोनेन धर्म व्रत दनेगुलि दिन ओल जुल ।
थनंलि राजानं थथे आज्ञा दयकसे बिज्यात— अन्तपुरस
चोनाओ चोन परिवारपनि मन्त्री प्रभृतिनं श्री ३ वसुन्धरा
देवीया अष्टोत्तरशत १०८ परमेश्वरीयात नमस्कार
यानाओ सकलसेनं धर्म व्रत दनेमाल ।**

इत्या कर्ण राजा उपाध्याय करनाय सेन प्रवर्जित ॥

स राजा चुडाकरणं कृत्वा कखाय वस्त्रेण सछाद्य

श्री वसुन्धरादेवी सेन गुप्तं इतिना स्थापितं ॥

थवते राजाया आज्ञा डेनाओ मन्त्रि पनिसेनं समस्तं ताल

लातकल । राजानं सेनयात बदे छुनाओ कसाय वस्त्रनं
पुनकाओ श्री बसुन्धरा गुप्त उपाध्या धकाओ नाम छुतं ।

तथा स्थापयित्वास सेन गुप्तं उपाध्यायेन व्रतमाराधितं ॥

राजा प्रभृति अष्टोत्तरशतं सामात्यग्न सहितेन क्रियत ॥

चूदेव्या व्रत सूत्रेण धारिता क्ष्वहस्तेन व्रतसूत्रछित्वा

वातायनम्प्रक्षिप्त ॥

यथे राजानं सेन गुप्तयात उपाध्याय धकं नाम प्रकाश
यासेलि श्वह्म सेन गुप्तं उपाध्या जुयाओ श्री बसुन्धरादेवीया
व्रत धर्म दनकाओ बिज्यात । श्व सूर्योदय राजानं सकल
परिवार सहित याडाओ श्री बसुन्धरा देवीया व्रत धर्म
दनाओ बिज्यात । श्वनंलि श्व सूर्योदय राजाया कलात
चूतदेवीनं व्रतसूत्रका श्वो लाहातिन चत फुनाओ इयालनं
कुतिकाओ छोटं ।

एकक्षने निम्ब वना चेष्टि समागतो

दुर्हन्ता दन मंगलार्थं प्रति दिनं

ए कथारिभुक्त मंगयित्वा देव्या भुक्ति

राजद्वार प्राप्त चेतिका धर्म शब्द श्रुत्वा व्रत धारिणा ॥

आकाशदागत व्रत सूत्र चेटिकांगसंभग्न

व्रत सूत्रं नमस्कारं कृत्वा निम्ब वनं प्रत्यागता ॥

श्वह्म सूर्योदय राजानं मयसे तवह्म कलात छह्म दव ।
श्व निम्ब बनस वाके छ्वयातवह्म निम्बदेवी खव । श्वह्म
निम्बदेवीया श्वातिनिनं राजगृहस न्हिथं न्हिथं छभुं भुजा
काल ओयिओ । यथे निम्बदेवीया श्वातिनि राजगृहस ओओ
बेलस श्री बसुन्धरा देवीया व्रत धर्म शब्द तायाओ धर्म
दना थास इयाल ववसं चोडाओ डेनाओ चोन । श्व बेलस
तथागत पनिसेनं महामंगल जुयुगु चूतदेवीनं कुतिकल
हओगुलि व्रतसूत्रका श्व चेतिनीयाके जुत । श्व व्रतसूत्रका

चेतिनिनं नमस्कार यानाओ, जोनाओ निम्बदेबीया थास
लिहां ओल ।

त्वरितं त्वरितं देवी विज्ञापितं ॥

राजगृहे श्री वसुन्धरा व्रतसूत्रा राज द्वारे प्रतिस्थामि ॥

तदा चूतदेवी व्रत सूत्रं स्वहस्तेन छित्वा प्रक्षप्त प्रति ममांगेपतति ॥

तं गृहित्वा चागत देवी स्नानादि शुचि भूमि कृत्वा व्रत माराधयामि ॥

चेतिनि हतासनं निम्ब बनस थेनकाओ निम्बदेबीया
नहेओने चोनाओ बिनति यातं- हे रानी ! हे देवी ! राजगृहस
ओ वसुन्धरा देवीया व्रत धर्म दनाओ चोन । थव बेलस
जिनं राजद्वारस चोनाओ ओ वसुन्धराया बाखं डेनाओ
चोना । थव बेलस चूतदेवीनं व्रत सूत्रका चतफुनाओ
हओगु व्रत सूत्रका जिके जुतओल । थुगुलि वस्तुक जिनं
हया । हे देवी ! हे महारानी ! आओ झिजिसेन पवित्र
सुचि स्नान यानाओ ओ वसुन्धरा देवीया व्रत धर्म दने
नुयो ।

चेटि वचनं श्रुत्वा ॥ नवं धारयामि स्नानादिकं

कृत्वा तत्तदेवी व्रतसूत्रेन आराधितं तिष्ठति ॥

थवते चेतिनिया वचन डेनाओ निम्बदेवीनं आज्ञा
दयकाओ बिज्यात- हे चेतिनी ! जिओखे । सूचि स्नान
यानाओ ओ वसुन्धरा देवीया व्रत धर्म दने नुयो ।

थथे खं लहानाओ निम्बदेवी, चेतिनी निहासेनं सूचि
यानाओ थवहा ओ वसुन्धरा देवीया व्रत धर्म दनाओ चोन ।

तत्रांतरे श्री वसुन्धरादेवी चिन्तय चिन्तितं ॥

वृद्धारूपेण राजद्वार गच्छामि, इति मत्वा राजद्वारमागतं ॥

कश्चि चेटिका द्वारिभट इहागत ॥

थवनंलि ओ वसुन्धरा देवीनं चितना यासे बिज्यात ।
गथे धालसा वृद्धिया रूपनं जिथि जुयाओ राजाया द्वारस

छोन ओने धकं चितना यानाओ धी बसुन्धरा, देवी जिथि
रूप जुयाओ राजद्वारस ओनाओ चूतदेवीया चेतनि सजताओ
बिज्यात- हे चेतनि ! थन बायो ।

अगमा चेटिकिमाज्ञापिते ॥

थथे सल तओगु डेनाओ चेतनि ओयाओ धाल- हे
वृद्धि ! छु आज्ञा दयकाओ बिज्याय तेना ।

वृद्धोवाच ॥

प्रति प्रति मना वचनेन माथू माता महमागत
राजगृह मूपविषय चूतदेवी मागमोसि वातायनेन दर्शय ॥

जिथिनं धाल- जिगुलि वचन भति छन रानी
चूतदेवीया न्हेओने बनाओ छन अजिमाजु ओल धकं धाओ,
चूतदेवीयात बायो धकं धाओ । अन मओलसा इयालनं
कोस्वसे हिओ धाल धकं धाओ ।

राजगृहंगत्वा ॥

मातृ मातां मह इत्या कर्णं चेटिनी वचनं कृत्वात्वं
विचारणार्थं राजद्वारे तिष्ठति ॥

थवते वृद्धिया खं डेनाओ चेतनिनं राजगृहस ओनाओ
चूतदेवीया न्हेओने बिनति यात- हे देवी !, हे महारानी !
छनं अजिमा ओल धकं धाओ, राजगृहस ओनाओ ओन
धकं धाओ, अथेनं मओलसा इयालं खुनु कोस्वसे हिओ
धकं धाओ, थुति छनं धाओ धकं जिथिनं धयाओ हल ।

थवहे वृद्धि जिथिया खं भ्वातिनिनं पुनरबार चूतदेवी
याके इनाप यात- हे देवी ! हे महारानी ! छलपोलया
अजिमाजु धकं धाल, छलपोलं बिचाल यासे बिज्याय माल ।
वृद्धि जिथि छह्य जिजिस राजद्वारस ओनाओ ओन ।

थुति चेतिनिया खँ डेनाओ रानी चूतदेवीनं आज्ञा दयकसे बिज्यात - छु धाल, जि अजिमा थन चोन ओइओ मखु, मखुथें खँ लहात ।

थवनंलि थव जिथि सु धकं तम चायाओ चूतदेवीनं इयालनं कोस्वसे थव जि अजिमा मखु धकं चूतदेवीनं चेतिनिया न्हेओने धयाओ बिज्यात- हे चेतनि ! छ ओनाओ आम जिथि थन मतसे छोओ ।

थथे रानी चूतदेवीया आज्ञा डेनाओ, चेतनि ओनाओ वृद्धि जिथिया न्हेओने धाल- हे वृद्धि ! जिमि महारानीया अजिमा मखु धकं जिमि महारानीनं आज्ञा दयकाओ हल । थुगु थास छ चोनेमते, छ ताइने थनक हुं धकं धाल ।

श्री देव्यैवाचः ॥ गच्छामि ३ त्रिवाक्यं कृत्वागतः ॥

श्री बसुन्धरा देवीनं आज्ञा दयकसे बिज्यात- हे चेतनि !, जि चोने मखु, ओने थुका ।

थथे स्वपोल आज्ञा दयकाओ श्री बसुन्धरा देवी लिहां बिज्यातं । पुनरबार श्री बसुन्धरा देवीनं चितना यानाओ बिज्यात- 'चूतदेवीनं नाप लाइओ मखुत । आओ निम्बदेवी उद्धार यात वने' । थथे चितना यानाओ निम्ब बनस सलताओ आज्ञा दयकाओ बिज्यात- हे चेतनि ! निम्बदेवी बिचाल याय धकं जि ओया । छ ओनाओ निम्बदेवी थन वायो धकं धाओ ।

थवते वृद्धि जिथिया खँ डेनाओ चेतनि ओनाओ थओ रानी निम्बदेवीया न्हेओने बिमति यातं- हे देवी ! हे महारानी ! छलपोलयात बिचाल यायया कारण ओया धकं वृद्धि जिथि छहा क्षिजिस द्वारस चोनाओ चोन ।

किं वक्तव्यं निम्बदेवी चेतिमी तं हेतु प्रवक्तव्यो
विचिन्तिमा द्वारयामि फल उपविश्यतां वक्तव्यं ॥

श्रुते चेतिनिया खँ डेनाओ निम्बदेवीनं आज्ञा दयकसे
बिज्यात- हे चेतिनि ! अमन छु धाल, छु चितना यात ।
अमयाके हेतु दओ, थुगुलि धर्म दना बेलस ओओह्य बोने
माल । हे चेतिनि ! छ ओनाओ अम वृद्धि बोनाओ हिओ ।

चेतिनी गत्वा वृद्धे आगमोसि उपविश्यतां ॥
उपनियं गत्वात्म विचारादिकं कृत्वा तिष्ठति किं व्रत मोचरित ॥

यथे निम्बदेवीया आज्ञा डेनाओ चेतिनि ओनाओ वृद्धि
जिथि बोनाओ हल । 'हे अजिमाजु' दुहां बिज्याहुने धकं
बोनाओ थिथि बिचाल खं यानाओ बिज्यात ।

वृद्धोवाच ॥ किं व्रत मोचरितं ॥

वृद्धि जिथि रूपि श्री बसुन्धरा देवीनं डेनाओ
बिज्यात- हे पुता ! छनं छु व्रत धर्म यानाओ चोना ।

देव्युवाच ॥ वृद्धि श्री बसुन्धरा व्रत माराधयामि ॥

मम मण्डाभाग्य, अर्घपात्र निवेदेते कदरिरे पत्नेनकृत ॥

वृद्धिया न्हेओने निम्बदेवीनं आज्ञा दयकसे बिज्यात-हे
अजिमाजु ! जिनं श्री बसुन्धरा देवीया व्रत धर्म दनाओ
चोना । जि थथिनह्य अर्घ्याग्यनी जुयाओ चोना, अर्घपात्रं
मदु । कलिलया हलन अर्घपात्र ज्यानाओ अर्घं बियेयात
तयार जुयाओ चोना, हे अजिमाजु !

वृद्धोवाच ॥ सत्य वन दृढश्रवयामिवध्यायं वृद्धि रूपेन तिष्ठति ॥

अष्टो यक्ष यक्षणी परिवार सहितेन प्रकाशितं ॥

वृद्धि जिथि रूपि श्री बसुन्धरा देवीनं आज्ञा दयकसे
बिज्यात- हे निम्बदेवी ! छनं निश्चयनं सत्य धर्म दड

मखुला, छनं धिर्ज यानाओ दयकाओ निश्चयनं जुको धर्म
दडाब बिज्याहुने ।

श्वते आज्ञा दयकाओ श्व वृद्धि जिथि रूप तोलताओ
साक्षात् श्री बसुन्धरा देवीया रूप धरलपाओ, च्याहा यक्ष,
यक्षनी परिवार सहितन प्रकाश जुयाओ बिज्यात ।

ततो निम्ब देवी नातां भगवति दृष्टा ॥

अप्पायमानो भूत्वापादौ शिरसा वन्दना करोति ॥

श्वनंलि निम्बदेवीनं श्वहा भगवती श्री ३ बसुन्धरा
देवी खनाओ, महा अप्पायमान चायाओ श्री ३ बसुन्धरा
देवीया चरणस शीरनं भोक पुयाओ नमस्कार यानाओ चीन ।

श्री देव्यूवाच ॥ वत्स हे उतिष्ठ उतिष्ठ तव दारिद्र रोगंण

पश्यन्ति तव कोष्ठ कोष्ठांगार मनि मुक्तादि प्राप्तो भवति ॥

श्री बसुन्धरा देवीनं 'हे मनुख ! दंओ दंओ' धकं
निम्बदेवीया कपाल जोनाओ आज्ञा दयकाओ बिज्यात— छ
ग्वबेलसं दारिद्र तोसन मजुय माल, छनं छेंस मनि मुक्तादि
नाना रत्न, चतुषष्टि वृहिन परिपूर्णं जुयाओ जुल ।

इत्युक्त्वा ॥ तदनन्तरं निम्बदेव्याः सर्वलक्ष्मी प्राप्तः

राजगृह सुवर्णरूप्यमयं किंकिनिजाल पति मण्डित प्राप्तः

स्वप्न प्रवृत्तमिव सर्वलक्ष्मी सम्पूर्ण दक्षित ॥

इति देवी वरप्रसादं दत्वा, वत्सर मुख सुख मनूभुयता ॥

थथे श्री बसुन्धरा देवीया वर प्रसादं निम्ब देवीयात
समस्तं लक्ष्मी लात । थुगुलि निम्ब बनस सुवर्णया मय,
ओहया मय जुल । घण्टमाला, धंघलामालानं जाल पेनाओ
तल । महा स्वभायमान जुल । तादशि = गथे धालसा
स्वप्नस गथे खन, श्वतथें समरतं लक्ष्मी श्वनं लात । थुति
वर प्रसाद लानाओ निम्बदेवी महा आनन्द यानाओ सुखनं

चोन जुल ।

पुनरुक्तं ॥ मया धारणि श्रुत्वा धारयिष्यंति वाचयिष्यंति
उङ्गहिष्यति मानवाः दरिद्र व्याधि शोकाग्नेन पश्यंति ॥

पुनरबार हनं श्री बसुन्धरा देवीनं निम्बदेवीया न्हेओने
आज्ञा दयकाओ बिज्यात— जिगुलि धारणी ग्वह्म मनुखनं
डेनसा, डेना मात्रनं ग्वबेलसं दारिद्र व्याधिन स्वकगु
अग्निस ओने मालिओ मखु ।

अचिन्तितानिद्र व्यानिप्रायुवन्तिन संशयन
बिहेठ यन्ति देव्याद्या, व्याधितो भवेत्
अपुत्रो लभते पुत्रं महीत धन धान्यकं,
महाधना महाभाग्यं सम्पन्न परिवारके ॥

सुनानं जिगु चितना याइओ, थथे चितना यावबस तओ
धन सम्पति लायुओ अबसेन, संसय याव मम्वाल । हनं
थुगुलि सम्पति ग्वह्म देबनं हेयके फयिओ मखु । पुनरबार
ग्वह्मयां व्याधिनं कयाओ चोनसां व्याधि मोचन जुयुओ,
ग्वह्मया पुत्र मदयाओ चोनसां पुत्र दयिओ, समस्तं किसि
जासि आदिनं दयिओ, महा धनवंत जुयुओ । भोगवन्त
जुयुओ, समस्तं परिवार सुखन चोने दयिओ ।

व्रतचापेव धारणी ॥ कृष्णा भाद्र पद मासे तृतीयां तिथी
आरम्भ व्रत राज समामितु वत्सरकः
एतस्केन करिष्यन्ति एतस्फल प्राप्तं ॥

थुगुलि व्रत धर्म दने ग्वबेलस धालसा भाद्र कृष्णपक्षया
तृतीया खुन्हु आरम्भ याय । फतसा लछि लछिसं याय ।
मफतसा दछिस छक्क याय । गोह्म मनुष्य पनिसेनं थुगुलि
धलं दनिओ, वयात थथिगु फल लायुओ जुल ।

इत्युक्त्वा ॥ अन्तर्धानं भवति ॥

श्रुते खं निम्बदेवीयात कनाश्रो श्री बसुन्धरा देवी
अन्तर्धानं जुयाओ बिज्यातं ।

निम्बदेवीच सर्वं सुखं लीलया तिष्ठति ॥

निम्ब वनं सर्वं नाना ह्रमोप शोभिते पुष्करिण्यां

गन्धिवासि पाणियज तस्मिन् ॥

निम्बदेवीनं समस्तं लक्ष्मी लानाश्रो महाश्रानंदन चोन ।
श्रु निम्ब वनस गयिन धालसा नाना अनेगु सिमा दयाश्रो
चोन । स्वभायमान जुयाश्रो चोन । श्रु निम्ब वनया
पुष्करिणीस नाना सुगन्ध, नस्वाक बस्तुक, लंछ आदिनं
पूर्ण जुयाश्रो चोन ।

अत्रान्तरे राजगृहे सूर्योदय राजा व्रत धर्म विरारितं ॥

सर्वजना धारित चूतदेव्या व्रतसूत्र मधारयति ॥

श्रुनंलि राजगृहस सूर्योदय राजानं श्री बसुन्धरादेवीया
व्रत धर्म दनाश्रो बिज्याक बेलस बिचाल याना बिज्यात-
क्षिजिस सकलसं व्रत सूत्रका दु । श्रु चूतदेवीनं जक छाय
व्रत सूत्रका मन्हाक ।

देव्यूवाच ॥ किं व्रतसूत्रेण प्रयोजन ॥

मम राज लक्ष्मी संतोषित ॥

यथे राजानं बिचाल यानाश्रो बिज्याक स्वयाश्रो
चूतदेवीनं आज्ञा दयकाश्रो बिज्यात- थुगु व्रत सूत्रका
मन्हानाया प्रयोजन छुं महु । हे महाराज !, छलयोलया
राजलक्ष्मीनं जित गाक ।

ततो राजा देवी प्रबोधितुं नसक्ते

राजा चिन्तयन्ति निम्बदेवीमाव्दानयामि ॥

यनंलि राजानं चूतदेवीयात बोध याय मफयाश्रो,

निम्बदेवी बोनकल छोय धकं चिन्तलपं बिज्यात ।

इति मत्वा चेतिनी निम्ब बनं प्रवेषयति ॥

मम वचन इहागत त्वत्सहितेन

देवी श्री वसुन्धरा मारोधयामि ॥

श्रवति राजानं चिन्तलयाग्नौ चेतिनियात आज्ञा दयकसे
बिज्यात— हे चेतनि! छ निम्ब बनस ओनाग्नौ निम्बदेवीयात
श्री वसुन्धरा देवीया वृत दनेयात ओयमाल धकं राजानं
बोनकल हल धकं वचनाग्नौ हयमाल ।

एतद्वचन श्रुत्वा चेतिनि निम्बवनं गता ॥

निम्बवनं प्राप्तं उपरिगत्वा देवी निवेदितः

देवी राज्ञा प्रहितं राजगृहे विषयतां:

त्वत्सहितेन श्री वसुन्धरा मारोधयामि ॥

श्रवते सूर्योदय राजाया आज्ञानं चूतदेवीया चेतनि
निम्ब बनस दुहां ओनाग्नौ निम्बदेवीया न्हेओनै बितति
यातं— हे देवी, हे महारानी ! महाराजानं छलपोल सहितनं
श्री ३ वसुन्धरा देवीया वृत धर्म दने धकं बोनकल हल
बिज्याहुने ।

इत्या कर्णं देव्यूवाच ॥ भद्रे मम श्री वसुन्धरां

व्रत संपूर्ण भवति देवी प्रसादात् महालक्ष्मी संप्राप्तादर्श ॥

राजकूल गमनेन प्रयोजनं भवति नगच्छामि ॥

श्रवते चेतिनिया खँ डेनाग्नौ निम्बदेवीनं आज्ञा
दयकाग्नौ बिज्यात— हे चेतनि ! थन जि श्री वसुन्धरा
देवीया प्रसादनं महालक्ष्मी सम्पूर्ण लाय धुन स्वग्नौ, आम
राजकुलस जि ओयाया प्रयोजन नदु । उकें जि मओल ।

चेतिनी तद्वचन श्रुत्वा प्रत्यागता ॥

राजा सर्व वृत्तान्तां निवेदितं ॥

तदा राजा अप्पाय मारोभूत्वा दृत्यहूतजातः

भद्र तत्दर्शनोत्सुक जातो राजा दर्शनागतः ॥

श्वते निम्बदेवीया आज्ञा चेतिनिनं डेनाओ राजगृहस
लिहां ओल । ओले चेतिनिनं निम्बदेवीनं निम्ब बनस भी
बसुन्धरा देवीया वृत दनाओ महालक्ष्मी प्राप्त जुओगु सर्व-
वृत्तान्त खं राजायात कन । राजानं श्व खं डेनाओ अद्भूत
अप्पायमान जुयाओ बिज्यात । ओले राजाया स्वलवने
इच्छा जुयाओ स्वलवने धकं निम्ब बनस बिज्यात ।

निम्ब बन प्राप्तः निम्ब बन सर्वं नाना विचित्र
पुष्पोप शोभितः पुष्करिणि सुगन्ध वारिना
परिपूर्णं नाना पक्षी जन कुजित राज पण्डित
सुवर्णं रूपेमय किंकिनीजाल मण्डित सुशोभनं
दर्शयति प्राप्त ॥

निम्ब बनस दुहां बिज्यानाओ राजानं प्यखें स्वयाओ
बिज्यात । थुगु निम्ब बनस गथिन जुयाओ चोड धालसा
नाना विचित्र, अत्यन्त भिन स्वान होयाओ चोन ।
पुष्करिनिस नाना नस्वाक लंछन परिपूर्ण जुयाओ चोन ।
अनेग झंगल पनि हर्षमाननं हालाओ चोन । थुगु निम्ब
बनस राजगृहयासिनं लुंयामय (सुवर्णमय), ओहयामय,
अनेक किंकिनीजाल पेनाओ स्वभायमान जुयाओ चोन
खनाओ-

ततो राजा वक्तुं नशक्यते ॥ कथं महालक्ष्मी प्राप्त ॥

गथे निम्बदेवीनं लक्ष्मी लात धकं राजा खं ल्हाय
मफसे चवन ।

तत्क्षणेन निम्ब चेटिका स्व देवीज्ञापितः
त्वं विचारनार्थं देवमुखितः साल्हादन मुख मण्डलं
दर्शय तेन लक्ष्मी भवन्ति ॥

निम्बदेवीया चेतिनिनं राजा ओओ खनाओ, राजा

अप्यायमान चायाओ चोड खनाओ, थओ रानी निम्बदेवीया
 न्हेओने प्रार्थणा यात- हे देवी, महारानी ! क्षिजिस
 महाराजा छलपोलयात बिचाल याय अर्थनं मुसुहुनं न्हिलाओ
 थव निम्ब बनस स्वल बिज्यात । आव छलपोल लक्ष्मी
 जुओ जुलो ।

एष एव राजा मण्डितं गत्वा निम्बदेवी
 विचारादिकं कृत्वा ॥ राजोवाच ॥ देवी लक्ष्मी प्राप्त ॥

थनंलि सूर्योदय राजा निम्बदेवीया छंस दुहाँ
 बिज्यानाओ निम्बदेवीयात बिचाल यानाओ बिज्यात- हे
 निम्बदेवी ! गथे छनं बिचित्र लक्ष्मी लाना !

देवी सर्व वृत्तान्तं कथितं ॥
 राजा महा सुखेन तिष्ठति, क्वचिदिने
 प्रेरया मास राजा निम्ब वनान्नायातः ॥

थवनंलि निम्बदेवीनं वृत्तान्त खं राजायात कनाओ
 बिज्यात । निम्बदेवीया खं डेनाओ राजा अति लस तायाओ
 बिज्यात । थवनंलि निम्बदेवीओ राजाओ निम्हं निम्ब बनस
 सुव्वनं दिन हनाओ बिज्यात ।

राजंले चूतदेवी कापाकुलित हृदयेन कतंव्या
 मेत्युत्कामगत्वा राजा विभत्सयित्वा
 मानयामि चूतदेवी त्वरितं त्वरितं निम्बवनं गत ॥

थुखे राजगृहस चोनह्य रानी चूतदेवीया काम वनाओ
 राज लुमन । निम्ब बनस बिज्याकह्य राजा लिहाँ
 मबिज्याक धकं फछिन तम चायाओ राजायात व्वना ह्य
 धकं निम्ब बनस बिज्यात ।

तत्संप्राप्तः निम्ब वने व्रत रजधुरि
 पुष्प प्रक्षिप्त स्थान चूतदेवीनालंघित
 तेन महापातकेन तत्क्षणा चूतदेवी

महादेकोरमुखि भवति ॥

महाघोर रूपि प्राप्तः तत्कालन ॥

चूतदेवीनं निम्बदेवीया वृत्त धर्म दनाया रजधुन स्वान
वानाओ तओ थास गायाओ ओन । श्व स्वान गायाया
पापनं चूतदेवी फाखवाल-अघोर रूप जुलो ।

सर्वजनाः निम्ब वने कोरमुखि प्रविष्ट

कोलाहल शब्दं श्रुत्वा परायितः

किं विदुलंगतः कर्मभूमि प्राप्त ॥

थनंलि चूतदेवी अघोर रूप मुख जुओ खनाओ,
चूतदेवीया कोलाहल शब्द तायाओ समस्त लोक ग्यानाओ
बिसे बिसे जुलो । श्वह्य चूतदेवी जक ताधिङ कर्मभूमि
थेनकल बिज्यात ।

पुष्करिणी द्वयं दृष्टा पानिय पातुंगतः

पुष्करिणी द्वयं विग्रहं दृष्टा जलन पिवति

पुष्करिण्या संभाषित युयंकूत्र गच्छति ॥

श्वनंलि चूतदेवीनं पुष्करिणी निगुल खन । लख तोड्यात
न्हेओने ओन । थथे ओनेन पुखुलि निगु त्वानाओ चोड
खनाओ लंख मतोसे चोन । श्व बेलस पुखुलिन चूतदेवीया
न्हेओने धाल- छ गन वने तेना ?

चूतदेव्यूवाच ॥

मम मन्दाभागीनी श्री वसुन्धरादेवी दर्शनाय गच्छामि ॥

पुष्करिणीवाच ॥

आवया वचनेन देवी विज्ञापयकेन महापातकेन आवांतिष्ठामि ॥

श्वते खँ डेनाओ चूतदेवीनं आज्ञा जुल- जि थथिन
अभागिनी जुयाया निमित्तिनं श्री वसुन्धरा देवीया दर्शन
यायत ओने तेना ।

श्वते रानी चूतदेवीया खं डेनाओ पुखुलिनं धाल-

जिमिसया निनिर्तितं छहृति छनं श्री बसुन्धरा देवीया न्हेओने
इनाप याय माल, गुगुलिया पापनं जि पनि बिग्रह जुयाओ
चोने मालखे !

श्वते पुखुलिया खं डेनाओ हनं दुहां बिज्यात ।

तत्र लंघयित्वा पुनरपि गत्तु सुकरा दृष्टा
तेन वक्तव्यं तथैवकेन महापातकेन
अत्रैव तिष्ठामि इति त्वया देवी विज्ञापय ॥

थन गत्तु सुकरनं चूतदेवीयात खनाओ चूतदेवीया
न्हेओने ओयाओ धाल- छु याडाया पापनं थथे चोने माल,
छनं श्री बसुन्धरा देवीया न्हेओने इनाप याना बिओ ।

तत्र लंघयित्वा पुनरपि सुचिमुखो दृष्टा
सूचिमुखेन वक्तव्यकेन महापातकेन
अत्रैव तिष्ठामि इति त्वया देवी विज्ञापय ॥
तत्र लंघयित्वा ॥

थननं हनं दुहां बिज्याक बेलस चूतदेवीयात शुचिमुख
प्रेतं खनाओ बिमति याडाओ धाल- छु याडाया पापनं जि
थथे चोने माल । श्वते जिगु खं श्री बसुन्धरा देवीया न्हेओने
इनाप याडाओ बिय माल ।

श्वते शुचिमुखया खं डेनाओ थननं दुहां बिज्यात ।

दश महापातकीना दृष्टा तत्रैव वक्तव्यकेन
महापातकेन प्रति व्रति वयं तिष्ठामो
इति त्वया देवी विज्ञापय तत्र लंघयित्वा ॥

हनं दशपातकिनं चूतदेवीयात खनाओ चूतदेवीया न्हेओने
वयाओ बिनति याडाओ धाल- छु याडाया पापनं जिपनि
न्हियं न्हियं थथेतुं चोने माल । थुलि खं छनं श्री बसुन्धरा
देवीयाके इनाप याय माल ।

श्वते दशपातकिया खँ डेनाओ चूतदेवी हनं थननं दुहां
बिज्यात ।

कृष्ण सर्पों दृष्टा तत्दर्शन मात्रेण
चूतदेवीतन कृष्णसर्पेन द्रष्टाः
तदशितात्मा चूतदेवी कोरमुखं त्यक्त्वा
महा शुष्पि भवति सर्व पापैर्मुक्तः ॥

थननं दुहां बिज्याक बेलस कृष्ण सर्प खन । श्व कृष्ण
सर्प खनाओ चूतदेवी ग्यानाओ चोन । श्व बेलस कृष्ण सर्पनं
खडाओ चूतदेवीया खवालस डात । थथे सर्पनं डायतुनं
चूतदेवीया मुख कुतिन ओनं । थथे चूतदेवीया मुख कुतिनं
ओडाओ न्हापायार्थे भिड खवाल जुयाओ समस्त पापनं
तोलतलं ।

तत्र लंघयित्वा विजपुरकनं दृष्टा वृभूक्षार्थं बीजपुरकं
गृह्णाति देवनना ददाति हस्ततेन गच्छाति ॥
गृह्णामि गृह्णामि वक्तव्यं इत्युक्त मात्रेण
फल वृक्षन हस्ते पुरयि प्रवीष्ट ॥

थननं दुने चूतदेवीनं न्हेलसि बन छगुलि खन । थथे
खनाओ चूतदेवीनं न्हेलसि खायत ओननं देवनं मबिल ।
थथेनं श्व चूतदेवीनं थओ लाहातिनं खानाओ नय तेन ।
पुनरबार श्व बेलस सिमानं धाल— हे चूतदेवी ! छनं जि
थिय मते ।

थथे सिमानं धायाओ हतासनं सि छगवल चूतदेवीया
लाहातिस लातकं कुतिमकाओ बिलं । चूतदेवीनं श्व
बीजपुर सि भक्ष यानाओ हनं दुहां बिज्यातं ।

ततो अस्मरागणैः देवी स्नानार्थं सुवर्णं घटेन
पानियं गृहीत्वागत देवी दर्शन ॥
चूतदेवीना स्त्री लोकेन पृच्छति स्त्री इदं

स्वर्णं जलं घटं कूत्रं गच्छसि स्त्री लोकेन वक्तव्यं ॥
 न जानासितं श्री भगवती वसुन्धरा देवी स्नानार्थं
 इदं मूढकपश्य स्नानोदकं दीप्तं वहति ॥
 तदुदकेन नयनं द्वयं प्रक्षालितं मात्रेण सुदृष्टिं भवति
 पिबितात्पूर्वकृतं पापं क्षयो भवति ॥

यत्नं लि अपसरागणं पनिसेनं श्री वसुन्धरा देवीयात्
 स्नानं यातकेयात् अर्थनं सुवर्णया घलं जोनाओ स्वर्गनं
 ववाहां ओओगुं खन । थथे चूतदेवीनं अपसरागणं पनि
 खनाओ न्यनाओ बिज्यात— हे स्त्री लोक आम सुवर्णया घल
 छमिसेनं गनं जोनाओ ओया !

चूतदेवीया खं डेनाओ अपसरागणं पनिसेनं आज्ञा
 दयकसे बिज्यात—हे मिसा जन ! छनं मसिल । श्री वसुन्धरा
 देवी स्नानं यातकेया अर्थनं जिमिसेनं यनं लंख काल
 ओया । थव लंख यनाओ स्नानं याचके । स्नानं धुनेतुनुं
 खुसि ओओथे ओओगुं थुगुलि लंख कयाओ मिखा निपासं
 पियानं सुदृष्टिं जुयुओ । थुगुलि लंख तोना मात्रनं न्हेथु
 जन्मसं याना पापं समस्तं भोवनं जुयिओ ।

तदप्रविष्टा मात्रेण श्री वसुन्धरा देवी प्रमुखान्सगनान्दृष्ट ॥
 एतद्दृष्टासा चूतदेवी त्वरितं त्वरितं गत्वा
 श्री वसुन्धरायः पाद कमले वन्दित्वा
 अश्रु पातयित्वा पूर्वान् स्मृत्यो भूत्प्रसादादिहागतः
 प्रशिद्धं धर्मं विनयं मम धारयामि ॥

थवते अपसरागणं पनिसेनं आज्ञा दयकुं खं डेनाओ
 चूतदेवी अपसरागणं पनिसेनापं ओन । थथे ओनाओ चोड
 बेलसं चूतदेवीनं श्री वसुन्धरा देवी गणपति सकलें खन ।
 थथे दृष्टिनं खनाओ मात्रनं थव चूतदेवीनं हतासनं हतासनं
 ओनाओ श्री वसुन्धरा देवीया पादुकासं भोक पुयाओ

नमस्कार यानाओ खोयाओ बिनति यात- हे ईश्वरी
 न्हापाया खं जिनं समस्तं सियधुन । छलपोलया प्रसादनं
 थुका जि थन ओया । हे ईश्वरी, हे देवी ! छलपोलसेनं
 जित प्रसन्न जुस्य बिज्याय माल । थुगुलि धर्म जिनं दने ।

श्री देव्युवाच ॥

भगिनि उत्थीहि उत्थीही ॥ ममाज्ञापयइदंकुरु ॥

प्रत्यागत्वा राजगृह राज प्रवृत्ति सर्वजनाः व्रत माराधरं
 कुरु समागते स्वर्ग मोक्ष परायनं करोति ॥

श्री बसुन्धरा देवीनं आज्ञा दयकसे बिज्यात- हे
 भग्नि !, हे केहें ! हे चूतदेवी ! दं दं, आओ छ लिहां
 ओनाओ सूर्योदय राजा प्रभिन छ पनि सकलसेनं न्हापा
 गथे व्रत दन अर्थे धर्म दंओ, छमिसेनं धर्म दना थास जि
 थेनकल ओयाओ छमित स्वर्ग मोक्ष प्रदान बिल ओय ।

इत्याकर्ण चूतदेवीना पुनरपि विज्ञापितं ॥

मार्गं स्थित लोकेन संदेशित मस्ति प्रथमः

पुष्करिणी द्वयन संदेशितः केन महापातकेन

अत्रैव पुष्करिणी युद्धं तिष्ठवः इति देवी विज्ञापितं ॥

श्री बसुन्धरा देवीया आज्ञा डेनाओ चूतदेवीनं इनाप
 यासे बिज्यात- हे देवी ! लंस चोनाओ चोनह्य लोक पनिसेनं
 बुखं हानाओ हल । न्हापा पुखुलि निगु दु । थमिसेनं कना
 हवगु, -गुगुया पापनं पुखुलि जुयाओ त्वानाओ चोने माल ।
 थवते छलपोलयाके इनाप याय माल । हे देवी ! थव पनि
 निम्हं छुया निमित्तिनं विग्रह जुल ।

श्री देवीवाच ॥

पूर्वं जन्मे भभू भगिनि भवति भभू भगिनी आनरीति क्षना युद्ध कुतः
 खान पानो भभू भगिनी खादति अन्यान ददाति तेन महापातकेन
 पुष्करिण्या विरोध्यन भवति तव दर्शना मुक्ति भवति ॥

श्री बसुन्धरा देवीनं आज्ञा दयकसे बिज्यात- ग्राम
पुखुलि निगुलि पूर्व जन्मस निह्य तलकेहें । ग्राम पनि नसा
खनेतुनुं नय बेलस तोने बेलस ल्वातु ल्वायिओ, थुगुया
पापनं थुका आओ ल्वातु ल्वाना चोने माल । थ्वते खं छनं
कंओ, ग्राम पुष्करिणी पनि मुक्ति दयिओ ।

चूतदेवीना पुनरपि विज्ञापितं ॥

गभू शुकरेण संदेशित केन महापातकेन अत्रैव तिष्ठामि ॥

हनं चूतदेवीनं डनाओ बिज्यात- हे देवी ! हे ईश्वरी !
गभू शुकर पनिसेनं गुगुया पापनं, छुया निर्मितिनं थथे
चोनेमाल धकं इनाप यानाओ हल ।

श्री देव्युवाच ॥ पूर्व भण्डारका गृहेनी चेत

तेन महापातकेन तिष्ठति

तव दर्शनेन मुक्ति भवति ॥

श्री बसुन्धरा देवीनं आज्ञा दयकसे बिज्यात- ग्रामो
पनि पूर्व जन्मस भण्डारी जुयाओ भति भति जक नकाओ
विश्वास फुतकाओ सकतां थओ छेंस यन । थुगुलि पापनं
गभू शुकर जुयाओ अमथे चोन । हे चूतदेवी ! छनं
स्वयतुनुं ग्रामो पनि मुक्ति जुयुओ ।

चूतदेवीना पुनरपि विज्ञापितं ॥

सूचिमुखो दृष्टा तथैव कथित

केन महापातकेन माया तिष्ठाव ॥

हनं चूतदेवीनं डेनाओ बिज्यात- हे देवी ! हे ईश्वरी !
सूचिमुखनं बुखं ल्हानाओ हल,- छुया पापनं छुया
निर्मितिन जि सूचिमुख जुयाओ चोने माल ।

श्री देव्युवाच ॥ पूर्वं जन्मे ब्राह्मणो भवति ॥

तेन छिदु वचन कृतं दानादि धर्म निन्दा व्याघाट चेतकृतः

अन्योन दानेन किं प्रयोजनं वक्तव्यं ॥

तेन महापातकेन सूचिमुखो भवति ॥

तव कथित मात्रेण मुक्ति भवति ॥

श्री बसुन्धरा देवीनं आज्ञा दयकसे बिज्यात— अमो
सूचिमुख पूर्व जन्मस ब्राह्मण थुका । श्वनं महाछिद्र बचन
यात । आमया धर्मस चितना मदु । फाचिन मन मभिन ।
आच दान यानाया प्रयोजन मदु धकं धाल । थुगुलिया
पापनं सूचिमुख जुल । हे चूतदेवी ! छनं कनेतुनुं मुक्ति
दयिओ ।

चूतदेवीना पुनरपि विज्ञापितं दशाकुसरी पापीनेन

दृष्टाः संदेशितः केन महापातकेन दुःखिता तिष्ठामः ॥

पुनरवार हनं चूतदेवीनं इनाप यात— हे देवी ! हे
ईश्वरी ! दशकुलस पापीनं खनाओ श्वनं बुखं हनाओ हल,—
छुया पापनं जि दुखि पापी जुयाओ चोने माल ।

तदादेव्या दशाकुसरो कर्मन्दिशित ॥

श्वनंलि दशाकुस कर्मया खं श्री बसुन्धरा देवीनं आज्ञा
दयकसे बिज्यात—

प्रानाति पाद तदल्यायु ॥१॥

अदता दानादभाग दारिद्रं । २॥

काम मिथ्या चारा प्रिय भार्यं पुरुषादि

प्रिछेद वियोग अप्रियादि संगोग ॥३॥

मिखा वा दाद बचनेन दायमापनं ॥४॥

पिणुनान्मित्र भेद कलह फलं ॥५॥

पारुष्या दमनोज्ञ पानिमा लोकेन दुरिकृतं ॥६॥

उंसं भिन्न षला पादनादेयं जगछिन्न वचनीयं ॥७॥

अविद्याद ज्ञान ज्ञानमुख अश्व ॥८॥

व्यापादास्ति बुद्धषोमोही ॥९॥

मिथ्या दृष्टिदृष्टाः हीन कुलत्वं जायते ॥१०॥

इतयो पापिनः पूर्वजन्मे कृत विपाकात्

तव कथितान्मुक्ति भवति ॥

हे चूतदेवी! दशां कुसलया खं गथे धालसा थथे चोन ।
 मेव स्यानानं आयु न्हाहां ओयुओ ॥आयु मदु ॥१॥
 मेवनं मबियकं दान कायानं दारिद्र जुयु ॥२॥
 मेवया स्त्री लाया लपानं थओ मत्यना कलातनं वायुओ ॥३॥
 फस खं ल्हानाया पापनं दोष लायुओ, तुगल मछिनिओ ॥४॥
 मेवयात छोखं ल्हानाया पापनं मित्र वंधुओ कलह जुयुओ ॥५॥
 मुम्बाकं मेवयात बोल बियाया पापनं जानाहानापं वायुओ ॥६॥
 जाकह्य फाया पापनं ओने ओने थास भाग्य मदयिओ ॥७॥
 मखु व्यापार यानाया पापनं जेल जुयुओ ॥८॥
 मखुह्यसेया बलपानं द्वषि मोहि जुयुओ ॥९॥
 खंसेनं मखना धकं धाया पापनं हिन कुलस जन्म कायिओ ॥१०॥

थ्वते पाप पूर्व जन्मस आमनं यात, थ्व खं छनं
 आमयात कनेतुनुं आमया पाप मोचन जुयुओ ।

सर्वं श्रुत्वा श्री वसुन्धरा देवी प्रदछिणी कृत्य
 पादौ शिरसाभि वन्दित्वा चूतदेवी प्रत्यागता ॥

थ्वते श्री वसुन्धरा देवीनं आज्ञा दयकाओ बिज्यागु खं
 समस्तं चूतदेवीनं डेनाओ श्री वसुन्धरा देवीया पादुकासं
 भोक पुयाओ नमस्कार यानाओ रानी चूतदेवी थओ
 राज्यस लिहां बिज्यात ।

मगस्छं देवी आज्ञा पयति ॥

तत्र सूचिमुखा दयो पापिनः कथित्वा कथित्वा
 आगतः सर्व पापिनः मुक्तिकृत चूतदेवी
 स्वदेशमागतः नगर समिपसं प्राप्तः ॥

रानी चूतदेवी लिहां बिज्याक बेलस लंस सूचिमुख
 सहित सकल पापी पनिस्त श्री वसुन्धरा देवीनं आज्ञा
 दयकाओ हको खं सकतां कनाओ पापी पनि सकलयातं

मुक्ति बियाओ बिज्यात । थ्वनंलि रानी चूतदेवी थओ देश
नगरया समिपस थेनक बिज्यात ।

राजा श्रुयते ॥ चूतदेवी आगत इति ॥

निम्ब बनस ओमाओ बिज्याकहा राजानं रानी
चूतदेवी थेनकल बिज्याकगु खं वात तायओ आज्ञा
दयकाओ बिज्यात ।

राजोवाच ॥

भवतु भवतु इत्युक्त्वा अमात्य आज्ञापितः

अमात्य महा सर्वेन चूतदेवी राजगृह मानय ।

-हे परमान मंतरी पनि ! चूतदेवी थन थेनकल ओल,
भिनकं माने यानाओ बोनाओ हकि ।

अमात्य उवाच ॥

यथा ज्ञापय देव, अमात्य प्रभृति सर्वजनागत्वा

महता सत्कारेण राजगृह चूतदेवी मानित ॥

थ्वते राजाया आज्ञा डेनाओ अमात्य मन्त्री पनिसेनं
बिमति यात- हे देव! हे महाराज ! गथे छलपोलसेन आज्ञा
बिल, अथे जिमिसेनं याय ।

थ्वते खं राजायात बिमति याडाओ मन्त्री प्रभृतिन
समस्त लोक तत्कालनं ओनाओ, चूतदेवीयात महामान्य
यानाओ राजगृहस दुत ब्वनाओ यन ।

राजगृहस प्राप्तः ॥

रानी चूतदेवी राजगृहस थेन ।

महादेव्या राजः पादन्त मल शिरसा

नमस्कारं कृत्वा कुशलं संवादादि करोति ॥

रानी चूतदेवी राजगृहस दुहां बिज्यानाओ राजाया
पादुकास नमस्कार यानाओ कुशल जुओ मखुला धकं थिथि
बिचाल यानाओ बिज्यात ।

पुनरपि राजा विचारादि कृतं ॥

राजोवाच ॥ कथं वियोग जायते कुत्रगतः ॥

पुनरवार राजानं थथे आज्ञा दयकसे बिज्यात- हे
चूतदेवी ! छ गथे विजोग जुया, छ गन गन ओना ?

चूतदेव्युवाच ॥

सर्वं वृत्तान्त कथितं श्री वसुन्धरा देवी

प्रसादादागतो दुर्हंतान्य प्रत्येवेन ॥

राजाया खं डेनाओ चूतदेवीनं सर्वं वृत्तान्त खं आज्ञा
दयकसे बिज्यात- हे महाराजा ! श्री वसुन्धरा देवीया
प्रसादनं थुका जि ओया ।

इत्या कर्ण ॥ राजा अप्पाय मानोभूत्वा उलसितः

कतिपय देवसे देव्या सुखन प्रेरया मास ॥

थवते रानी चूतदेवीया खं डेनाओ राजा अप्पायमान
चायाओ, उल्लासित जुयाओ दिन ओन मचासे सुखनं
बिज्यात ।

ततो व्रतवन्ध दिन समागतः चूतदेवीना राजा विज्ञापितः

पुष्प धूप संस्कारादि सर्वोत्करण सजिकृतं सर्वं व्रत माराधयामि ॥

थनंलि श्री वसुन्धरा देवीया व्रत धर्म दने दिन जुयाओ
चोन । थव बेलस रानी चूतदेवीनं राजाया न्हेओने बिमति
याना बिज्यात- हे महाराज ! पुष्प धूप दिप नैव्यद्य
इत्यादि पूजा विधि गुलि माल, थवते दयकाओ छलपोल
प्रमुखनं शिजि सकलेसेनं श्री ३ वसुन्धरा देवीया व्रत
धर्म दने, बिज्याहुने ।

इत्युक्त्वा व्रत कर्म कारितं तदा श्री ३ वसुन्धरा स्वयमागत्य

सर्वं सत्त्वां स्वर्ग मोक्ष परायणं करोति ॥

हनं रानी चूतदेवीनं राजाया न्हेओने बिमति यानाओ
बिज्यात- हे देव, महाराज ! थवेलस शिजिसेनं थव व्रत

धर्म दनाग्नो चोने, श्व बेलस श्री वसुन्धरा देवी थमथें थमनं
उत्पति जुसे बिज्यायिग्नो, झिजि सकलें सत्व प्राणी पनिस्त
मोक्ष प्रदान बिल बिज्यायुग्नो ।

इत्युक्त्वा ॥ इति चूतदेवीः वचन श्रुत्वा
राजादि सर्व जनाः संतोष्य व्रतबन्ध करोति ॥

श्वते रानी चूतदेवीया खं डेनाग्नो राजा प्रभृतिन
सकलें संतोषन समुचय जुयाग्नो, समस्त विधि ताल लातकाग्नो
राजा प्रभृतिन गथे न्हापा वृत दना अर्थे श्री ३ वसुन्धरा
देवीया वृत धर्म दनाग्नो बिज्यात ।

तस्मि क्षणे मूहूत्वे श्री वसुन्धरा स्वयमागत्य
वत्स कि वरं वृन्दीध्वमादेशि प्रयच्छ ॥

थुगुलि बेलस तत्कालनं वृत धर्म दना चोन थास श्री
३ वसुन्धरा देवी थमथें थमनं उत्पति जुयाग्नो आज्ञा दयकसे
बिज्यात— हे बालक पनि! छमिसेनं छु फोड तेना, छमिसेनं
धयागुलि जिनं बिय जुल ।

ततो राजादिकेन श्री वसुन्धरा दृष्टा राजा उत्फूल
हे दया भूत्वा ससंभ्रमं श्री वसुन्धराया पादाम्बुजे
शिरसासंघृष्य उक्तंच ॥ यथा देवी प्रसन्न भूय तथा करोति ॥

थन राजा प्रभृति सकलसेनं श्री वसुन्धरा देवी
बिज्याक खनाग्नो राजाया मनस महार्हर्षमाननं उत्फूल
हृदयनं आनन्द जुयाग्नो सकलसेनं श्री ३ वसुन्धरा देवीया
पादुकास भोकपुयाग्नो नमस्कार याडाग्नो चोन । श्वनंलि श्री
सूर्योदय राजानं प्रार्थणा याना बिज्यात— हे ईश्वरी, देवी!
गथे छलपोलसेनं रानी चूतदेवीया न्हेग्नोने आज्ञा दयकसे
बिज्यात, थर्थे जिमिसेनं याना ।

व्रत सम्पूर्ण कृत्वा राजा प्रभृति सर्व सत्वा
रत्नयाने स्थित्वा तुषित भुवने नीयते ॥

श्वते वृत धर्म सम्पूर्ण धुसेलि सूर्योदय राजा प्रभृतिन
वृत धर्म दक्क सकलें रत्नया बिमानस थनाओ तुषिता
भुवनस थत यन ।

राजपुत्र मेक यौवराज स्थापयित्वा देशनार्थं
तेन यौवराजेन सर्व मर्त्यमण्डल प्रकाशयित्वा
सुखोनालं भूत्वा तिष्ठति ॥

श्वनंलि सूर्योदय राजाया काय राजपुत्र छह्ण दयाओ
चोन । श्व राजकुमारयात राजा सालाओ श्व वृत धर्मया
खं कनकेया अर्थनं श्वह्ण यौवराजानं मर्त्य मण्डलस सकभिनं
श्री ३ बसुन्धरा देवीया वृत धर्म प्रकाश यानाओ सुखनं
महा आनन्द यानाओ बिज्याकत्वं जुल ।

इति श्री ३ बसुन्धरा वृत कथा सम्पूर्ण ॥ अश्वघोषावदान
परि समाप्त ॥ शुभ मङ्गल भवन्तु सर्वदाकाले शुभं ॥



श्री बसुन्धरा देवी पूजाया लसताय्
सकल नेपा:मिपिंत 'भितुना' देछाया ।

मान ज्योती बजाचार्य, रबि बजाचार्य
इखाछें, यल ।

श्री बसुन्धरा देवी पूजाया लसताय्
सकल नेपा:मिपिंत 'भितुना' देछाया ।

महाबुद्ध ओकुबहाल पेशागत मूर्तिकला कालिगढ
सहकारी संस्था लिमिटेड
महाबुद्ध, ओकुबहाल, ललितपुर-६

श्री बसुन्धरा देवी पूजाया लसताय्
सकल नेपा:मिपिंत 'भितुना' देछाया ।

जुयागु न्हं न्हं डिजाइनया तिसा दयेकातःगु व दयेके मा:सां जिमिथाय् भासैं ।

पुल्चोक ललितपुर
फोन ५२५१०५
भेडास, काठमाडौं
फोन २४४४४२

गुण ज्यासः जसः
दिजेन्द्र शर्मा

छें:
फोन: ५३५६९७